

355.

Entwurf des Kurfürsten Ernst und des Herzogs Albrecht zu einem Schreiben an den Vogt und den Rath zu Freiberg, den durch die Kreuziger veranlaßten Unfug betreffend. [1468 Juni 15.]

Hilschr.: Entwurf. Ebenulast Bl. 4.

Ann.: Beilage zu No. 354; danach das Datum.

5

Von gots gnaden Ernst kurfurst 2c. unnd Albrecht gebruder hertzogen zcu Sachssen 2c.

Lieben getruwen. Nohdeme etzliche brüder des parfusenordens in unßerm furstenthume und in sundirheit allhie bie uch zcu Freyberg das crewtze predigen und vorkündigen, darauf etwevil der unsirn und auch andire bewegt werden das crewtze an sich zcu nemen 10 und ken Behemen zcu zcyhene, das wir durch die gebote unsers heiligen vaters des babsts ungerne vorhindern wolden, aber wir vorstehen, das die zcu Freyberg wonhafftig auch ir enthalt dar gehabt das crewtze an sich genomen, auch andire, so darhin komen seinth und sich dar gesamen, die sich ader etzliche us yn undirstanden und angenommen die Behemen ir habe und gut, so sie vor zceyten oder in diesen laufften bie uch bracht ader 15 geschigkt hetten ader tegelichen*), auch iren handel und narunge, so sie bie uch und ir mit in [in] unser stadt und pflege doselbst zcu Freyberg gehabt, die zcu morden, ir habe und gut in unser stadt bie uch, auch den unsern, das der Behemen gewest ist, zcu nemen, also villicheite von etzlichen bereit gescheen ist, und dieselbigen unbefestiget bliben und wegk sollen komen sein, das uns von dir voite und uch dem rate nicht gnuge vor- 20 wunden kan, das ir ein solchs zeugeben und gestaten solltet, nohdem ir wist, wie wir bisher in unsern landen furstethum und gebieten fride gehalten haben, den wir mit der hulfte gotes hinfur allewege behalden wollen. Solchs frides alle, die unsern lande und gebiete mit kauffmanschatz unnd andir nodtorfft uns den unsern zcu gute irsucht, auch gebruchtet und genossen haben, das wir hinfur auch nicht andirs haben wollen, denne 25 das solchs unsers frides ein yderman us unser furstlicher macht, dem wir den gönnen und zcu halten wollen, gebruchen sal, auch das an unser wyssen und sunderlich befele der unsern fride an nymandes person ader habe, von weme der ader die ader das gut und habe sey, in unser stadt unsern landen ader in unsern gebieten und strassen nicht sal gebrochen werden. Wer aber das an unser wyssen und befele tete, denselbigen ader 30 die wollen wir noch iren wiriden und fordisten straffen. Darümbe so begern wir von uch mit gantzem ernste, das ir dieselbigen crewtziger, so die nach vorhanden weren, ader andire, die indes das crewtze an sich genomen, von unsern wegen vor uch heischet und ernstlichen saget, das diejhenigen, die unnßire hausebesessene burger und man und uns mit gelobden und eyden vorwandt seinth und das crewtze an sich genomen haben, were 35 ye an unser wyssen unnd willen nicht billich gescheen; doch die weile sie das crewtze an sich genomen hetten, villicheite keyn uns unferlichen ader nicht zcu widersatze, so wollen

355. a) Hier scheint bringen ader schigken zu fehlen.